

LU HYIAO-TS
路孝子

VU-TS SÖN-TSIANG
父子算賬

IH-PE TSIU
一杯酒

SE-LAH TENGHÆN-NAH
雖拉等喊哪

ZÖNG-HÆ
上海

1869.

LU HYIAO-TS 路孝子

Zin kyi-jih nyin læ Hwô-gyi koh yiu ih-go nyü-nying kyiao-leh Kô s-meo nyin-kyi s-jih to-tin læ ih-go
前幾十年，來花旗國，有一個女人，叫勒嘉師母；年紀四十多點；來一個
hyiang-ts'engli-hyang zo siao shü-vông kao-kao siao-nying doh shü
鄉 村 裏向坐小書房，教教小人讀書。

Yiu ka ih-nyih Kô s-meo k'en-kyin ih-go jih-nyi-sæn shü siao-nying tseo-ko meng-meng Kô s-meo z-ka wô Ng
有介一日，嘉師母看見一個十二三歲小人走過，問問嘉師母是介話，「爾
yiu za-bæn ka feh Hao-peh ngô dzænlíangdong-dín
有柴月解弗？好撥我賺兩銅鈔。」

Kô s-meo we-teh gvi z-ka wô Ngô za long-tsong z ngô-go ling-sô-kô ih-go lao-den ka-go
嘉師母回答其是介話，「我柴，攏總是我個鄰舍家一個老頭解個。」

Kehsiao-nying z-ka wô 'Ô-üô^[1] Keh-tsao dza-yi ni S-meo meng gvi soh-go z-ken
箇小人是介話，「嘎嘅^[1]！箇遭咋拵呢？」師母問其「啥個事幹？」

[1] 此處 1852 版爲 Ôh-yüô

Kehsiao-nying z-ka wô Ngô vu-lao ngæn-tsing hah-de ngô meo-lao bing yi hyüong-hyüongkæn Ngô kyih-mih tseo-c'ih-læ
箇小人是介話，我父老眼睛瞎了^[1]，我母老病又 兇 兇 間，我今未走出來
z-éoh ah-lah ah-me læ-tih k'oh zöng k'ong-p'ô ah-lah meo-lao bing ye hao Ngô zi ziah-z hao dzænlín dong-dín cong
時候，阿拉阿妹來的哭，尚恐怕阿拉母老病癒好。我自若是好賺點銅鈔供
do-nying pô-feh-neng-keo keh-lah kyih-mih sing-siang tao nying-kô oh-li ky'i ka-ka za-bæn K'ô-sih Tseo-leh pun-pun-jih-nyih
大人，巴弗能夠；箇拉今末心想到人家屋裏去解解柴月。可惜！走了半半十日
m nying iao ngô ka
無人要我解。

[1] 此處 1852 版錯印爲 heh-de

Ka wô-ts ziu ngæn-li beh-c'ih jih-dzæ k'o-lin-siang Kô s-meo k'en gvi ngæn-li beh-c'ih k'en gvi lang-lang t'in-kô
介話仔，就眼淚湊出，實在可憐相。嘉師母看其眼淚湊出，看其冷冷天家
i-zöng c'ün-leh boh-boh-go nyingkwah-kwah læ-tih teo ziu eo gvi tseo-tæn-tsing-læ ho-lu pin-yin zo-ih-zo meng gvi we
衣裳穿勒薄薄個，人刮刮來的抖，就謳其走帶進來，火爐邊沿坐一坐。問其會
du-kyi feh Kehsiao-nying z-ka wô Ngô feh-da-li du-kyi zô-nyih^[1] tsiu-ko ngô yiu-tin^[2] fæn-jü ky'üoh-ko de
肚飢弗？箇小人是介話，「我弗大裏肚飢。昨日^[1]晝過我有點^[2]番薯喫過了。」

[1] 此處 1852 版爲 zô-nyi

[2] 此處 1852 版爲 yiu liang

Kô s-meo meng gvi z-ka^[1] wô Yia-væn ni Gvi wô M-neh ky'üoh-ko S-meo meng gvi T'in-
嘉師母問其是介^[1]話，「夜飯呢？」其話，「無得喫過。」師母^[2]問其，「天
nyiang-væn ng iao-bông yia m-neh ky'üoh-ko^[3] Kehsiao-nying we-teh gvi ka wô Keh tao m-iao-teh-kying mæn-mæn hao
亮飯，爾要防也無得喫過^[3]？」箇小人回答其介話，「箇倒無要得緊；慢慢好
ky'üoh ngô meo-lao teng ngô wô-ko-de gvi z-ka wô Ah-fah tsih-kwun gving-lih tso z-ken i-jing Tsing Jing-go
喫。我母老等我話過了，其是介話，阿發！^[4]只管勤力做事幹，依順真神個

dao-li tso-nying ka T'in-Vu pih-ding we tsiao-kwu ng-noh tsih-leh oh-li z-ken ih wô-ky'i-lâ sing-li jih-dzæ feh-tsiao dza
道理做人；介天父必定會照顧爾儂，只勒屋裏事幹一話起來，心裏實在弗照咋
næn-ko
難過。」

[1] 此處 1852 版爲 ka，缺 z 一字

[2] 此處 1852 版多 yi 一字

[3] 此處錯印爲 ky'üôh-ko

[4] 此處 1852 版多 ng 一字

Kô s-meo via ngæn-li c'ih z-ka wô 'Æ Ng-noh siao-nying tao hao dæn-mingbih-nyingk'engpông-dzu ng feh-
嘉師母也眼淚出，是介話，「噓！爾儂小人倒好。但明別人肯幫助爾，弗
k'engpông-dzu ng ngô pih-ding we teng ng ky'i tang-sôn-kyi k'en
肯幫助爾，我必定會等爾去打算記看。」

Ziu tao tsao-keng-li ky'i-de do-leh ih-ngæn mun-deo ih-ngæn nyüôh peh gyi ky'üôh
就到竈跟裏去了，馱勒一眼饅頭，一眼肉撥其喫。

Kehsiao-nying z-ka wô To-zia s-meo t'eo-p'ô s-meo k'eng shih-wô peh ngô do-tao oh-li ky'i Tsih-leh s-meo
箇小人是介話，「多謝師母。偷怕師母肯說話，撥我馱到屋裏去。只勒師母
feh-tsiao
弗照」[1]有鄰舍家要人解柴爿喫得？」

[1] 此處 1852 版爲 feh-tsiao s-meo

Kô s-meo z-ka wô Fông-sing ngô tsao-keng 'eo-deo yiu-ho za-bæn læ-kæn ng hao ky'i ka ngô we coh
嘉師母是介話，「放心。我竈跟後頭，有夥柴爿來間，爾好去介；我會給
kong-din peh ng Keh siao-nying wô To-dzing to-dzing s-meo Ziu kw'a-kw'a peng-tao tsao-keng 'eo-deo ky'i ka za-bæn
工鈿撥爾。」箇小人話，「多承多承師母。」就快快奔到竈跟後頭去解柴爿
ky'i-de
去了。

Kô s-meo 'eo gyi læ-tih ka ziu c'ün-leh nga-t'ao ta-leh mao-ts tao ling-sô-kô oh-li ky'i-de wô-hyang
嘉師母候其來的介，就穿勒外套，帶勒帽子，到鄰舍家屋裏去了，話向
gyi-lah dao Keh-go siao-nying tsæ hao m-neh-de [1] nyin-kyi se ky'ing we ka hyiao-jing we ka pô-kyih [1] jih-dzæ
其拉道。「箇個小人，再好喫得了；[1]年紀雖輕，會介孝順，會介巴結[1]，實在
næn-teh næn-teh ah-lah ing-kæ pông-ts'eng gyi kyi Ling-sô-kô long-tsong z-ka wô Ng-go shih-wô z-go
難得，難得。阿拉應該[2]幫襯其記。」鄰舍家攏總是介話，「爾個說話是個；
z-jün kæ pông-ts'eng gyi Kô s-meo-go ling-sô-kô ziu teo-long liang-sænk'w'e fæn-ping song-peh Ah-fah yiu ih-go nying do-leh
自然該幫襯其。」嘉師母個鄰舍家就兜攏兩三塊番餅送撥阿發。有一個人馱勒
mun-deo yiu ih-go do-leh ih-bing ngeo-na wa-yiu ih-go do-leh jih-to hao-hao bing-ko ih-tsah do-do læn peh gyi-lah
饅頭，有一個馱勒一瓶牛奶，還有一個馱勒十多好好蘋果。一隻大大籃撥其拉
tsi-mun-de eo Ah-fah ta-tao oh-li ky'i kao-fu tia-nyiang
滿滿了；謳阿發帶到屋裏去，交付爹孃。

[1] 此處 1852 版爲 nyin-kyi se-tsih ka-ky'ing, wa we ka hyiao-jing, wa we ka pô-kyih

[2] 此處 1852 版爲 z-jün kæ

[3] 此處 1852 版錯印爲 gyi-leh

Ah-fah feh-jün feh-k'eng do gyi wô Ngô bing feh-z t'ao-væn neng-s peh ngô sang-weh tso-tso dzæn-tin dong-din
阿發怫然弗肯馱；其話，「我並弗是討飯。能使撥我生活做做，賺點銅鈿，
zi ky'i ma tong-si peh do-nyingky'üôh
自去買東西撥大人喫。」

[1] 此處原文錯印爲 ky'öuh

Kô s-meo teng gyi wô Keh-go shih-wô keh-zôngvong kông-de ng-go meo-lao sang-bing-kæn teng ng dzæn-tsing-læ
嘉師母等其話，「箇個說話，箇晌留講了；爾個母老生病間；等爾賺進來，
læ-feh-gyi-de Ng do-leh-ky'i z-de ngô ming-tsiao wa iao zi tao ng-go oh-li ky'i mông-mông ng-go meo-lao
來弗及了。爾馱勒起，是了；我明朝還要自到爾個屋裏，去望望爾個母老。」

Ah-fah ky'ih-leh keh-tsah læn kyü oh-li ky'i-de ih tseo-tsingmeng-k'eo den pō Kō s-meo shih-wō long-tsongwō-hyangtia-nyiang
阿發挈勒箇隻籃歸屋裏去了；一走進門口頭，把嘉師母說話攏總話向爹孃
dao yi pō song-læ-go tong-si yangtang-yiang do-c'ih-læ peh ah-nyiang k'en
道；又把送來個東西，樣打樣馱出來撥阿孃看，

Ah-fah-go ah-tia z-ka wō Ah-fah ngō k'o-sih z hah-ts feh neng-keo k'en-kyin keh-sing hao-hao eng-nying
阿發個阿爹是介話，「阿發！我可惜是瞎子，弗能夠看見箇星好好恩人。
ng-noh ih-sang ih-si ih-ngæn m-nao mōng-kyi Ziu teng Ah-fah-go ah-nyiang z-ka wō Ah-lah jih-dzæ ing-kæ zia-zia
爾儂一生一世一眼嚙得好忘記。」就等阿發個阿孃是介話，「阿拉實在應該謝謝
T'in-Vu-go do-do eng-we ing-we gvi s-peh ah-lah ka hyiao-jing ih-go ng-ts feh-jün keh-sing hyü-to hao tong-si kyih-
天父個大大恩惠；因為其賜撥阿拉介孝順一個兒子。弗然箇星許多好東西，今
mih-ts 'ah-li læ ni Ah-fah-go ah-tia ziu ts'æn-nyien-kyi zia-zia T'in-Vu we-leh keh-sing song-læ-go tong-si yi
末子何裏來呢？」阿發個阿爹就懺唸記，謝謝天父，爲了箇星送來個東西；又
we-leh T'in-Vu s-peh gvi ka hao ih-go ng-ts
爲了天父賜撥其介好一個兒子。

Keh-go z-ken næn-kæn yi-kying s-jih-to nyin de Ah-fah yin-dzæ [1] Hwō-gvi koh yi-kying tso en-ts'ah-s ko-de
箇個事幹難間已經四十多年了。阿發現在[1]花旗國已經做按察使過了。
nying-kō tu ngao gvi nyingcong-sing 'eo-dao Gvi ah-tia-go veng-deo-teng ts'ao-ts-hwō yi-kying k'æ-leh nyien-to nyin-de Næn-kæn gvi-go
人家都傲其人忠信厚道，其阿爹個墳頭頂草子花已經開了廿多年了，難間其個
ah-nyiang lao-lao-de tsih-we do-leh æ-dziang læ kao-t'ing do-dōng c'oh-kyi c'oh-kyi tseo-tseo Gvi djōng-djōng z-ka wō Deo-tsao-
阿孃老老了，只會馱勒哀杖來高廳大堂戳記戳記走走，其常常是介話，「頭遭
ts nying-kō wō ah-lah gyūong-kw'u dæn-z keh z'eo ah-lah oh-li se-tsih dong-din ky'üih yia m-neh hao-sōn gyūong-kw'u
子人家話阿拉窮苦；但是箇時候，阿拉屋裏雖即銅鈿缺，也嚙得好算窮苦；
ing-we ah-lah Ah-fah tso ng-ts ka hyiao-jing ah-lah jih-dzæ pi yiu-lao nying-kō wa yiu-lao
因為阿拉阿發做兒子介孝順；阿拉實在比有佬人家還有佬。」

[1] 此處 1852 版多 læ 一字

Yin-dzæ keh-t'ah di-fōng nying feh eo gvi Ah-fah long-tsongts'ing-hwu gvi Lu lao-yia Se-tsih tso-leh kwun fu-kwe shōng-
現在箇埠地方人弗諷其阿發，攏總稱呼其路老爺。雖即做勒官，富貴雙
djün gvi dzing-gviu dæ ah-nyiang feh-tsiao dza hyiao-jing teng siao-læ z'eo ih-seh-ih-nyang Yia djōng-djōng z-ka wō siao-nying ka
全，其仍舊待阿孃弗照咋孝順；等小來時候一色一樣。也常常向自個小人介
wō Jü-ko iao teh-djōh weh-ling-go en-tæn si-'eo-go foh-ky'i tsong z iao æ-kying T'in-Vu hyiao-jing yu-meo p'oh
話，「如果要得着活靈個安耽，[1]死後個福氣，總是要愛敬天父，孝順父母，樣
p'oh-jih-jih pō-pō-kyih-kyih tso z-ken Ng-noh væn-pah siao-nying dōh keh-peng shü m-nao mōng-kyi
樣實實，巴巴結結做事幹。」爾儂凡百小人讀箇本書，嚙得好忘記。

[1] 此處 1852 版多 teng 一字

AH-TIA T'I NG-TS SÖN-TSIANG 阿爹替兒子 算 賬

Yiu ih-nyih ih-go siao-nying ming-z kyiao-leh Hen-li tseo-tsing gvi ah-tia-go tsiang-vōng-li k'eo-k'eo gvi ah-tia læ-tih
有一日一個小人，名字叫勒漢利，走進其阿爹個賬房裏。扣扣其阿爹來的
siu-long tsiang-bu ze-siu pō tsiang-bu fōng-læ Hen-li-go deo-li teng gvi hyi-hyi
收攏賬簿；隨手把賬簿放來漢利個頭裏，等其嬉戲。

Keh-go tsiang-bu djōng-djōng-go Hen-li kying-feh-ky'i gvi ziu gyiu ah-tia do-ko keh-go tsiang-bu Ah-tia do-ko tsia
箇個賬簿重重個，漢利經弗起。其就求阿爹馱過箇個賬簿。阿爹馱過賬
ng-bu k'ōng-hao-ts Keh-tsao Hen-li teng ah-tia dō-kō kōng ih-fæn
簿，囤好仔。箇遭漢利等阿爹大家講一番。

Hen-li ziu meng ah-tia z-ka wō Tia-tia yūong ka do-do bu-ts zōng-tsiang ng feh-tsiao ky'in nying-kō to-siao
漢利就問阿爹是介話，「爹爹用介大大簿子上賬，爾弗照欠人家多少
dong-din yia feh-tsiao nying-kō ky'in ng to-siao dong-din Ngō-ts'eng-ts'eng keh-go bu-ts yiu m-ts'in-da-væn tsiang hao zōng
銅鈿；也弗照人家欠爾多少銅鈿。我忖忖箇個簿子有無千大萬賬好上。」

Ah-tia z-ka wō Keh-z ng ts'eng-dzæn feh-z tsiang-bu do ziu ky'in nying-kō to tsiang-bu siao ziu ky'in
阿爹是介話，「箇是爾忖賺。弗是賬簿大，就欠人家多；賬簿小，就欠
nying-kō ky'üih kōh-nying yiu kōh-nying-go sing-siang yiu-teh-go nyingky'in nying-kō leng-ts'in leng-væn dong-din gvi tsiang ih-pih tu
人家缺。各人有各人個心想。有得個人欠人家論千論萬銅鈿，其賬一筆都
feh-zōng keh-cü-ka yia yiu yiu-teh-go ih-ngæn feh ky'in nying-kō gvi tsiang-bu yü-sin be-hao-kæn ka yia yiu
弗上；箇株介也有。有得個一眼弗欠人家，其賬簿預先備好間；介也有。

Hen-li z-ka wô Jü-wô Dza-we z-ka Ka z w~a-go Ziah-z ngô shih-wô ni ih-ngæn m-neh ky'in
漢利是介話，「誰話？咋會是介？介是壞個。若是我說話呢，一眼嘸得欠
nying-kô nying-kô yia ih-ngæn m-neh ky'in ngô iao soh-go tsiang-bu ni
人家，人家也一眼嘸得欠我；要啥個賬簿呢？」

Ah-tia z-ka wô Ng ky'in nying-kô feh ky'in nying-kô keh-z m-su-go Ngô wô yiu-teh-go nyingky'in
阿爹是介話，「爾欠人家，弗欠人家，箇是嘸數個。我話，有得個人欠
nying-kô leng-ts'in leng-væn dong-din gvi tsiang ih-pih tu feh-zông ng ziu-z ka-go nying
人家論千論萬銅鈔，其賬一筆都弗上；爾就是介個人。」

Hen-li z-ka wô Ngô ng ts'eng-ts'eng ngô yiu ky'in nying-kô dong-din m Yiu ih-tsao ngô ky'in ah-me deo-nyi-pah
漢利是介話，「我！爾忖忖我有欠人家銅鈔嘸？有一遭，我欠阿妹頭二百
dong-din yi-kying peh gvi wæn-de næn-kæn ngô pun-pin tu m-neh ky'in nying-kô
銅鈔；已經撥其還了。難間我半邊都嘸得欠人家。」

Ah-tia z-ka wô Shü-kæn-zông we-leh feh zông-tsiang yiu hvü-to k'eo-nyih Hen-li ngô yiu-tin nyi-sing zông
阿爹是介話，「世間上，爲了弗上賬，有許多口業。漢利！我有點疑心，尚
-k'ong-p'ô ng yia yiu keh-cü-ka mao-bing T'eo-p'ô ng yia yiu ky'in nying-kô meh-deo-meh-nao tsa ziah-z peh ngô dzô-c'ih-lä
恐怕爾也有箇株介毛病。偷怕爾也有欠人家沒頭沒腦債；若是撥我查出來，爾
dza wô ni
咋話呢？」

Hen-li z-ka wô Ngô k'en tia-tia læ-tih kông c'ü-siao shih-wô M nying we dzô ngô c'ih-lä yiu dong-din ky'in nying-kô
漢利是介話，「我看爹爹來的講取笑說話，無人會查我出來有銅鈔欠人家；
ing-we ngô ih-ngæn tu m-neh ky'in nying-kô
因爲我一眼都嘸得欠人家。」

Ah-tia z-ka wô Ka-ni ng-go tsiang ngô tao teng ng dzô-dzô siang
阿爹是介話，「介呢，爾個賬我到等爾查查相。」

Hen-li z-ka wô Ze-bin ng tia-tia dza ky'i dzô tsong-tsong dzô ngô feh-c'ih yiu tsa
漢利是介話，「隨便爾爹爹咋去查，總總查我弗出有債。」

Ah-tia z-ka wô Ka z-de ng zo-tæn-löh k'en ngô ah-tia sön-tsiang-go siu-dön Ts'ih-nyin væn-din i-zông
阿爹是介話，「介是了。爾坐帶落，看我阿爹算賬個手段。七年飯鈔，衣裳
din oh-shü-din shoh-siu-din wa-yiu ling-ling-se-se gong-long sön-lä ky'iah-leh ky'i-pah-kw'e fæn-ping næn-kæn keh-sing-
鈔，屋貫鈔，束脩鈔；還有零零碎碎；共攞算來，卻勒幾百塊番餅。難間箇星
ka tu vong sön-de Ng wa-yiu ih-go ting-do tsa-cü ziu-z T'in-zông Ah-tia Ng ky'inshü-kæn-zông ah-tia-go tsa
介都留算了。爾還有一個頂大債主，就是天上阿爹。爾欠世間上阿爹個債，
se-tsih to wa pi-feh-lä ky'inT'in-zông Ah-tia-go tsa ka to Næn-kæn täen-tsih ng ky'inT'in-zông Ah-tia-go tsa ngô sön peh
雖即多，還比弗來欠天上阿爹個債介多。難間單只爾欠天上阿爹個債，我算撥
ng t'ing t'eo-p'ô ngô sön-dzæn ng hao wô
爾聽；偷怕我算賺，爾好話。

Hen-li zi ts'eng-ts'eng z-ka wô Ka sön-ky'i-lä ngô tsing-tsingvæn-kwæn
漢利自忖忖是介話，「介算起來，我真真犯關。」

Ah-tia ziu teng gvi wô T'in-zông Ah-tia peh ng ih-sang ih-si ngæn-tsing we k'en ng-to we t'ing siu we dong
阿爹就等其話，「天上阿爹撥爾一生一世眼睛會看，耳朵會聽，手會動，
zih-deo we kông bih-deo-kwun we hyüong ka k'en-ky'i-lä ng ky'in Gvi to-siao tsa ni Ng lao-jih kông t'eo-p'ô coh ih-ts'in-
舌頭會講，鼻頭管會嗅，介看起來，爾欠其多少債呢？爾老實講，偷怕給一千
liang nying-ts peh ng s-teh ng ngæn-tsing ve k'en ng-to ve t'ing siu ve moh zih-deo ve zông bih-deo-kwun ve hyüong
兩銀子撥爾，使得爾眼睛矙看，耳朵矙聽，手矙摸，舌頭矙嚐，鼻頭管矙嗅，
ng k'eng feh k'eng
爾肯弗肯？」

Hen-li z-ka wô Tia-tia keh-z feh k'eng-go ziu-z ih-væn-liang yia tu fæ-gvi
漢利是介話，「爹爹！箇是弗肯個；就是一萬兩！也都勦其。」

Ah-tia z-ka wô Ka k'en-ky'i-lä ngô sön ng ih-væn-liang nying-ts z feh we-ky'üoh ng Ng ky'inT'in-zông Ah-tia wa-yiu
阿爹是介話，「介看起來我算爾一萬兩銀子是弗委曲爾。爾欠天上阿爹還有
ih-ying ziu-z sing-li-go du-dzæ ziang sing-li we p'i-bing we ts'eng-ts'eng we tang-sön we kyi-teh we hvun-hyi
一樣，就是心裏個肚才；像心裏會批評，會忖忖，會打算，會記得，會歡喜，
we pe-shông we ô-wông tengpah-ying sing-li-go neng-ken keh-sing-ka tsæ kô ih-væn-liang ts'eo yia-z feh we-ky'üoh ng
會悲傷，會慳惶，等百樣心裏個能幹。箇星介再加一萬兩湊也是弗委曲爾。」

Hen-li z-ka wô Ka p'a-ky'i-lä ziu-z shü-kæn-zông ting-to yiu-lao dzin-gvi-li k'ông-tih-go nying-ts do læ peh ngô
漢利是介話，「介派起來，就是世間上頂多有佬錢櫃裏囤的個銀子馱來撥我
wæn keh-go tsa wa feh-keo
還箇個債，還弗夠。」

Ah-tia z-ka wô Hen-li mæn-tin mæn-tin ngô wa tsih sön ky'i-deo-de wa-yiu hvü-to wa m-teh sön-djöh
阿爹是介話，「漢利！慢點慢點。我還只算起頭了。還有許多還嘸得算着。
Ng we kông shih-wô-go neng-ken tsæ-ve feh dzih-din Ngô ts'eng-ts'eng we-leh ih-ngæn dong-din ng tön-tön feh-k'eng tso ô-ts
爾會講說話個能幹再矙弗值鈔。我忖忖爲了一眼銅鈔，爾斷斷弗肯做啞子。」

Hen-li z-ka wô Tso ô-ts ziu-z 'en-t'in-ô dong-din tu jü-long-lä peh ngô yia fä-gyi
漢利是介話，「做啞子！就是咸天下銅鈿都聚攏來撥我，也勸其。」

Ah-tia z-ka wô Ka-ni ziah iao sön ng-go tsa keh 'en-t'in-ô dong-din-go su-moh yia ky'iah-leh kô-zông-ky'i
阿爹是介話，「介呢，若要算爾個債；箇咸天下銅鈿個數目也卻勒加上去。
Wa-yiu ng-noh kyi-sing m-bing m-t'ong keh kâ sön to-siao dong-din
還有爾儂肌身嘸病嘸痛，箇該算多少銅鈿？」

Hen-li z-ka wô Tia-tia keh shih-wô ngô dzong-lä m-neh t'ing-meng-ko Kyi-sing m-bing m-t'ong z pi væn-ying
漢利是介話，「爹爹！箇說話我從來嘸得聽聞過。肌身嘸病嘸痛！是比萬樣
tong-si keng-kô dzih-din
東西更加值鈿。」

Ah-tia z-ka wô Ka-ni keh-go tsiang-bu ky'iah-leh zông hyü-to Keh-tsao kông-tao ng yiu ts'ing-kyün yiu
阿爹是介話，「介呢，箇個賬簿卻勒上許多。箇遭講到爾有親眷，有
beng-yiu yiu tsi-me yiu hyüong-di yiu ah-nyiang teng ngô ah-tia keh-sing hao-c'ü ze ng zi sön to-siao ngô hao kô
朋友，有姊妹，有兄弟，有阿孃，等我阿爹，箇星好處，隨爾自算多少我好加
zông-ky'i
上去？」

Hen-li z-ka wô Tia-tia keh-go kô-din z m su-moh-go ze ng dza ky'i sön tsong ve sön-leh
漢利是介話，「爹爹！箇個價鈿是嘸數目個，隨爾咋去算，總猶算勒
t'eo-to
透多。」

Ah-tia z-ka wô We-leh Sing-shü-go dao-li peh ah-lah hao hyiao-teh T'in-Vu-go do eng-we zi-go do
阿爹是介話，「爲了《聖書》個道理，撥阿拉好曉得天父個大恩惠，自個大
ze-ky'in Yiä-su kyiü-ze-go do kong-lao teng t'in-dông-go do foh-ky'i yi feh-tsiao hao sön ng to-siao
罪愆，耶穌救罪個大功勞，等天堂個大福氣，又弗照好算爾多少？」

Hen-li z-ka wô Tia-tia ka-sing tsa sön peh ngô
漢利是介話，「爹爹！介星債算撥我！」

Ah-tia z-ka wô Læ shü-kæn zông m-yiu ih-go ts'ong-ming-gohao-nying feh long-do dzih-din Tsing Jing-go li-pa-nyih
阿爹是介話，「來世間上嘸有一個聰明個好人弗弄大值鈿真神個禮拜日。
T'eo-p'ô ngô sön ng væn-pah li-pa-nyih li-hyang keh-sing t'ing-meng dao-li ky'i tao-kao sing-li en-weng-go hao-c'ü keh-go
偷怕我算爾凡百禮拜日裏向，箇星聽聞道理，去禱告，心裏安穩個好處，箇個
su-moh yia feh-siao
數目也弗少。」

Hen-li z-ka wô Tia-tia ng ih-ying tu m-neh ts'o-lôh gyintang-gyin tu zông-leh ngô-go ming-ô
漢利是介話，「爹爹！爾一樣都嘸得錯落；件打件都上勒我個名下。」

Ah-tia z-ka wô Ngô tsiao-dzih sön tsong z iao ka zông-fah Næn-kænbih-ying tu vong-kông tænkông T'in-Vu-go do
阿爹是介話，「我照直算，總是要介上法。難問別樣都留講，單講天父個大
eng-we ts'a Gvi doh-ying Ng-ts Yiä-su tao shü-kæn-zông læ sô-diao ng-noh-go djong-ze kyiü ng c'ih di-nyüoh peh ng zông
恩惠，差其獨養兒子耶穌到世間上來，赦掉爾儂個重罪，救爾出地獄，撥爾上
t'in-dông Hen-li ziu-z ng yiu ih-ts'in shü-kæn-zông-go dong-din nying-ts ky'i væn keh eng-we-go tsa yia væn-
天堂。漢利！就是爾有一千世間上個銅鈿，銀子，去還箇恩惠個債，也還弗
feh-wun
完。」

Hen-li z-ka wô Tia-tia z-go ng ka-go tsa sön-peh ngô hao-vong tsæ zông-ts'eo ngô zin-deo ts'eng-ts'eng
漢利是介話，「爹爹！是個，爾介個債算撥我，好留再上湊。我前頭忖忖
ih-ngæn m-neh ky'in nying-kô keh-tsao ts'eng-læ tsing-tsingyang-ying tu ky'in-tao-de
一眼嘸得欠人家；箇遭忖來真真樣樣都欠到了。」

Ah-tia z-ka wô Ngô ziu-z yin-dzæ feh tsæ zông-ts'eo ng-go tsa yi-kying do-do ng k'o-pi ziang Sing-
阿爹是介話，「我就是現在弗再上湊，爾個債已經大大。爾可比像《聖書》
shü-li sô wô-tih-go keh-go yüong-nying ky'in gvi cü-nying-kô s-væn-liang nying-ts gvi ih-ngæn m-kao hao væn Næn-kæn peh ngô
裏所話的箇箇傭人，欠其主人家四萬兩銀子；其一眼嘸告好還。難問撥我
p'a-p'a k'en tsiang-bu zông-tih-go tao-ti yiu to-siao Ng yiu weh-tong-go sing-ming yiu we k'en-go ngæn-tsing yiu we t'ing-go
派派看，賬簿上的個到底有多少？爾有活東個性命，有會看個眼睛，有會聽個
ng-to yiu we moh-go siu yiu we zông mi-dao-go zih-deo yiu we hyüong ky'i-mi-go bih-deo-kwun wa-yiu ng yiu
耳朵，有會摸個手，有會嚐味道個舌頭，有會嗅氣味個鼻頭管^[1]，還有爾有
ih-go we p'i-bing we s-ts'eng we tang-sön we kyi-teh we hwun-hyi we pe-shông we ô-wông-go ling-sing
一個會批評，會思忖，會打算，會記得，會歡喜，會悲傷，會慍惶個靈性；
wa-yiu ng yiu ih-go we kông shih-wô-go cü-pô teng ih-go m-bing m-t'ong-go kyi-sing wa-yiu ng yiu ts'ing-kyün
還有，爾有一個會講說話個嘴巴，等一個嘸病嘸痛個肌身；還有，爾有親眷，
yiu beng-yiu yiu tsi-me yiu hyüong-di yiu ah-nyiang teng ngô ah-tia wa-yiu ng yiu Sing-shü-go kao-hyüing
有朋友，有姊妹，有兄弟，有阿孃，等我阿爹；還有，爾有《聖書》個教訓，
li-pa-nyih-go hao-c'ü Yiä-su kyiü ze-go do kong-lao Hen-li keh-sing eng-we-go tsa ziu-z ih-ts'in shü-kæn-zông-go
禮拜日個好處，耶穌救罪個大功勞。漢利！箇星恩惠個債，就是一千世間上個
dong-din nying-ts do-læ væn jih-dzæ feh-keo næn-kæn ng lín ih-ts'in dong-din tu m-teh-go
銅鈿，銀子，馱來還，實在弗夠。難問爾連一千銅鈿都嘸得個。」

[1] 此處原書錯印爲 dih-deo-kwun

Hen-li z-ka wô, Tia-tia ng zin-deo wô yiu-teh-go nyingky'in nying-kô hyü-to dong-din ih-pih tu feh-zông
漢利是介話，「爹爹！爾前頭話有得個人欠人家許多銅鈔，一筆都弗上
tsiang næn-kæn ngô hyiao-teh ng-go shih-wô z jih-we-go 'ô-tsao ng tsæ-ve t'ing-meng ngô wô veng-veng feh-ky'in nying-kô keh-cü-
賬；難問我曉得爾個說話是實惠個。下遭爾再聽聞我話，份份弗欠人家箇株
ka shih-wô
介說話。」

Ah-tia z-ka wô, Hen-li ngô nyün-z siang-vông ng ve tsæ kông keh-cü-ka shih-wô ing-we ah-lah keh-sing nying
阿爹是介話，「漢利！我原是想望爾再講箇株介說話；因為阿拉箇星人
tu yiu wæn feh [1] wun-go tsa ah-lah bih-ying m-kao tsih-hao zia-zia T'in-Vu do dz-pe dziang-t'ong jing-næ æ-lin
都有還弗完個債；阿拉別樣無告，只好謝謝天父大慈悲，長通忍耐哀憐
ah-lah ts'a Yia-su tao shü-kæn-zông læ teng ah-lah wæn keh-sing long-tsông tsa
阿拉；差耶穌到世間上來，等阿拉還箇星攏總債。」

[1] 此處原書錯印爲 fhe

IH-PE TSIU 一杯酒

Deo-tsao-ts hyiang-ô yiu ih-veng nying-kô k'æ ih-bæn væn-tin shü-vi yiu-tin dong-din dæ ih-go lao-nyüing sang
頭遭子鄉下有一份人家，開一月飯店，勢微有點銅鈔；抬一個老孃，生
ih-go ng-ts ming-z kyiao-leh Ah-mong
一個兒子，名字叫勒阿蒙。

Keh Ah-mongdzong-siaots'ong-ming ling-li tso-nying yia 'o-ky'i teng siao-nying-de ih-ngæn feh-we zao-nyih wa-yiu hyiao-jing
箇阿蒙從小聰明伶俐；做人也和氣，等小人隊一眼弗會造孽；還有孝順
tia-nyiang kying-djongtsiang-pe Zông-'ôh [1] doh-shü ts-tsih se-jün m-neh hao sôn di-ih ky'iah-z pi da-kæ we doh-tin
爹孃，敬重長輩。上學讀書，資質雖然無得好算第一，卻是比大概會讀點。
nying-kô tu wô gvi tsiang-læ tsong-we fah-dah
人家都話其將來總會發達。

[1] 此處原文錯印爲 Zông-'oh

[2] 此處 1852 版錯印爲 nying-ko

Tao-leh jih-ng-loh shü z-'eo gvi-go ah-tia ta-leh Ah-mong tao Fi-lah-t'ih-fi mô-deo ky'i 'ôh sang-i Tseo-tsing
到了十五六歲時候，其個阿爹帶勒阿蒙到非拉鐵非碼頭去學生意。走進
ih-bæn 'ông-k'eo keh-go 'ông z sing Mô k'æ-go ziu pa sing Mô-go tso sin-sang Džong-ts' yi-'eo keh Ah-mong ziu tso
一月行口；箇個行，是姓馬開個；就拜姓馬個做先生。從此以後，箇阿蒙就做
Mô-kô 'ông-li-go 'ôh-sang-ts
馬家行裏個學生子。

Gvi-go ah-tia ih-lin læ 'ông-li deng-leh hao-kvi-nyih K'en-kyin Ah-mong læ gvi-deo-teng tso sang-i tao yia we-tso
其個阿爹一連來行裏庖了好幾日。看見阿蒙來櫃頭頂做生意，到夜會做；
zi sing-li ts'eng-ts'eng z-ka wô Gvi ziah-z sang-i 'ôh-džing ziu hao fah-tin peng din peh gvi tao zi oh-li-pin ky'i
自心裏忖忖是介話[1]，「其若是生意學成，就好發點本鈔，撥其到自屋裏邊去
k'æ-tin
開店。」

[1] 本句 1852 版爲 ziu du-bi-li zi-ts'eng z-ka wô（就肚皮裏自忖是介話）

Ko-leh kvi-nyih keh Ah-mong-go ah-tia pa-bih sin-sang teng Ah-mong ka wô Ah-mong Ah-mong ng ah-tia iao
過了幾日，箇阿蒙個阿爹拜別先生；等阿蒙介話，「阿蒙！阿蒙！爾阿爹要
kyü oh-li ky'i-de ng læ dōng-deo 'ông-li ts'in-ding m-nao teng-wa-nyingts'eo de dōng-djong iao kvi-teh Sing-shü-li ih-kyü
歸屋裏去了。爾來蕩頭行裏，千定無得好等壞人湊隊；常常要記得聖書裏一句
wô [1] ziu-z Væn-pah teng ôh-go z-ken siang-gying-go tu kæ tso-gvi
話，[1]就是，凡百等惡個事幹相近個，都該做忌。」

[1] 此處 1852 版多「凡類惡者宜戒之。」七個漢字

Ah-tia ky'i ts'eo Ah-mong læ 'ông-li tsao-tsao bó-ky'i dzi-dzi kw'eng gying-gying lih-lih tso z-ken ping-ts'ia yiu
阿爹去之後，阿蒙來行裏，早早爬起，遲遲 睏，勤 勤力力做事幹；並且有
cong-sing dæ tong-kô keh-lah Mô sin-sang pô 'ông-li z-ken long-tsong t'ôh gvi eo gvi kah-nga siao-sing
忠信待東家。箇拉馬先生把行裏事幹，攏總託其；謳其格外小心。

Yiu ih-nyih Ah-mong tao kah-pih 'ông-li ky'i wæn ih-peng shü Keh-bæn 'ông-li yiu ih-go w'a 'ôh sang ts ming-z kyiao-
有一日，阿蒙到隔壁行裏去還一本書。箇月行裏有一個壞學生子，名字 叫
leh Ah-ngwæn ky'üoh-tsiu c'ò-bæn vu-sô-peh-we Keh Ah-ngwæn k'en-kyin Ah-mong tao gvi-go 'ông-li-læ ziu pô tsiu-dong-li
勒阿頑。喫酒叉牌，無所不爲。箇阿頑看見阿蒙到其個行裏來，就把酒桶裏
sia liang-pe tsiu c'ih-læ ky'ün Ah-mong dô-kô ky'üoh ih-pe
寫兩杯酒出來，勸阿蒙大家喫一杯。

Di-nyi nyih keh w'a 'ôh-sang-ts ziu tao Mô-kô 'ông-li læ mông-mông Ah-mong K'eo-k'eo Mô sin-sang m-neh læ-kæn
第二日，箇壞學生子就到馬家行裏來望 望阿蒙。扣扣馬先生無得^[1]來問，
tsih-yiu Ah-mong doh-zi zo-kæn
只有阿蒙獨自坐間。

[1] 此處 1852 版爲 m-meh

Ah-mong k'en-kyin gvi læ ziu bó ky'i-sing ts'ing gvi zo kông-leh kvi-kyü k'ah-t'ao shih-wô Hweh-jünt's'eng-ky'i zô-
阿蒙看見其來，就爬起身，請其坐^[1]；講勒幾句客套說話。忽然忖起，昨
nyi-ts ngô tao gvi-go 'ông-li ky'i gvi yiu tsiu peh ngô ky'üoh kyih-mih-ts gvi tao ngô-go 'ông-li læ ngô yia kæ wæn
日子我到其個行裏去，其有酒撥我喫；今末子，其到我個行裏來，我也該還
gvi-go li dzæ-z Ts-si ts'eng-læ tsiu z tong-kô-go tong-kô m'-neh læ-tong ngô dza-hao zi tso cü-i
其個禮，纔是。仔細忖來，酒是東家個。東家無得^[2]來東，我咋好自做主意？
Dæn-z m'-neh tsiu peh gvi ky'üoh ngô jih-dzæ ko-sing feh-ky'i Tsih-teh pô tsiu-dong-li yiah-z k'æ-ts sia liang-pe tsiu
但是無得^[2]酒撥我喫，我實在過心弗去。只得把酒桶裏鑰匙開仔，寫兩杯酒。

[1] 此處 1852 版錯印爲 zô

[2] 此處 1852 版爲 m-meh

[3] 此處 1852 版爲 tsiu-dong，少 li 一字

Zông'ong-pô Mô sin-sang læ hwông-kyih-hwông-mông kying pô yiah-z mông-kyikwæn-hao tsih-kwu do-leh tsiu eo Ah-ngwæn
尚恐怕馬先生來，慌 急 慌 忙，竟把鑰匙忘記關好；只顧馱勒酒，謳阿頑
ky'üoh Keh tsiu-dong-li tsiu ih-ti ih-ti leo-c'ih læ yia feh-læ kwu-djôh
喫。箇酒桶裏酒，一滯一滯漏出來，也弗來顧着。

Ah-ngwænky'üoh-leh sæn-pe tsiu z-ka wô Keh tsiu jih-dzæ z hao-go Wô-leh ih-sing ziu lih-k'eh we-cün
阿頑喫勒三杯酒，是介話，「箇酒實在是好個。」話勒一聲，就立刻回轉
zi-go 'ông-li ky'i-de
自個行裏去了。

Mô sin-sang kyü-læ k'en-kyin tsiu-dong-li tsiu yiu-tin leo-c'ih meng Ah-mong wô Ng dzæ-fông yiu sia-tsiu m-teh
馬先生歸來，看見酒桶裏酒有點漏出，問阿蒙話，「爾纔方有寫酒無得？」
Ah-mong ih-z wô-feh-c'ih ko-leh ih-hyih z-ka wô M-teh Mô sin-sang zi ky'i pô tsiu-dongkwæn-kwæn-hao
阿蒙一時話弗出。過了一歇，是介話，「無得。」馬先生自去把酒桶關 關好。

Feh siang-tao di-nyi nyih keh Ah-ngwæntseo-tsing 'ông-li læ teng Mô sin-sang ka wô Ma ih-dong tsiu peh ah-lah iao
弗想到第二日，箇阿頑走進行裏來，等馬先生介話，「賣一桶酒撥阿拉，要
ziang zô-nyi-ts Ah-mong peh ngô ky'üoh ih-yiang-go
像昨日子阿蒙撥我喫一樣個。」

Ah-mong bông-pin lih-tong ih-ngæn feh-hyang Mô sin-sang deo nyin-cün k'en gvi ih-k'en dæn-z Mô sin-sang se-tsih m-neh
阿蒙旁邊立東，一眼弗響。馬先生頭扭轉看其一看；但是馬先生雖即無得
wô gvi keh Ah-mongmin-k'ongky'iah 'ong-leh m-c'ü ky'i
話其，箇阿蒙面孔卻紅勒無處去。

Teng Mô sin-sang tseo-c'ih-ky'i z'eo kw'a-kw'a tseo-tao Ah-ngwæn 'ông-li eo gvi tsæ teng Mô sin-sang ka wô Zô-nyi-
等馬先生走出去時候，快快走到阿頑行裏，謳其再等馬先生介話，「昨日
ts-go tsiu feh-z Ah-mong sia-peh ngô ky'üoh-go z ngô zi sia-go Keh Ah-ngwæn siao-siao ka wô Ng ts'ing-ts'ing
子個酒，弗是阿蒙寫撥我喫個，是我自寫個。」箇阿頑笑笑介話，「爾 請 請
ngô ngô ziu teng ng ka ky'i wô Ah-mong tsih-hao ing-dzing Keh Ah-ngwæn ziu teng Mô sin-sang ka wô Keh-nyi pao-'ông^[1]
我，我就等爾介去話。」阿蒙只好應承。箇阿頑就等馬先生介話，「箇日寶行^[1]
tsiu-dong-li tsiu leo-c'ih Ah-mong feh-zing sia-ko jih-dzæ z ngô-zi sia-go feh-z gvi shih-hwông
酒桶裏酒漏出，阿蒙弗曾寫過，實在是我自寫個；弗是其說 謊。」

[1] 此處 1852 版爲 kwe-'ông

Mô sin-sang be liang-go 'ôh-sang-ts mun-sæn en-s hong-p'in keh-lah dzing-gviusi-ang-sing Ah-mong
馬先生被兩個學生子，瞞三暗四，哄騙，箇拉仍舊相信阿蒙。

Ah-mongkyi-kyinging-dzing Ah-ngwænky'üoh tong-dao m-neh dong-din yi feh-hao tao ah-tia u-sen ky'i t'ao[1] tsæ-sæn ts'en
阿蒙既經應承阿頑喫東道；嘸得銅鈿，又弗好到阿爹烏碎去討[1]；再三忖
g-læ tsih-teh pô 'ông-li dzin-gvü-li-go dong-din t'eo-bun ky'i leh liang-pah Ah-mong t'eo-leh dong-din teng Ah-ngwæn dô-kô tsüu-
來，只得把行裏錢櫃裏個銅鈿偷伴去了兩百。阿蒙偷了銅鈿，等阿頑大家酒館
kwun-tin-liky'üoh tong-dao Tong-daoky'üoh-hao Ah-ngwæn eo Ah-mong dô-kô ky'i c'ô-bæn Ah-mong ih-ts'eng keh tao yia hao t'ông-
店裏喫東道。東道喫好，阿頑謳阿蒙大家去叉牌。阿蒙一忖，箇倒也好；倘
jün ngô ying-leh-tin pô dong-din dzing-gvü hao en-leh dzin-gvü-li ka m nying we teh-cü
然我贏了點，把銅鈿仍舊好安勒錢櫃裏；介嚟人會得知。

[1] 此處 1852 版爲 iao

Feh siang-tao c'ô-bæn c'ô-leh sæn-s cün tsih-we shü feh-we ying fi-dæn tong-dao dong-din wæn-feh-læ lin tu-shü-
弗想到叉牌叉勒三四轉，只會輸，弗會贏；非但東道銅鈿還弗來，連賭輸
go dong-din yi ky'in-leh yiu-ho M shih-fah tsih-teh tao 'ông-li dzin-gvü-li tsæ ky'i t'eo-tin wæn-leh shü-din tsæ tu
個銅鈿又欠勒有夥。嘸設法，只得到行裏錢櫃裏再去偷點，還了輸鈿，再賭，
'oh-tsia we ying yia vi-k'o-cü ka-ni hao-ky'i wæn t'eo-læ-go dong-din sæn-leh Mô sin-sang teh-cü
或者會贏，也未可知，介呢好去還偷來個銅鈿，省勒馬先生得知。

'Ah-li hyiao-teh yi shü-diao Keh Ah-mongtsing-tsing m-fah wô yi wô-feh-c'ih kw'eng yi kw'eng-feh-joh ziu
何裏曉得又輸掉！箇阿蒙真正嘸法；話，又話弗出；咽，又咽弗熟。就
yia-tao pun-yia-ko ky'ing-ky'ing bô-ky'i-læ ih feh-tsôh nyi feh-hyih sòng-sing t'eo-leh nyi-pah kw'eyiang-dzin lin-yia tao tu-
夜到半夜過輕輕爬起來，一弗作，二弗歇，爽性偷了二百塊洋錢，連夜到賭
dzian-li ky'i tu Ah-mong sing-li z-ka wô Ziah keh-tso tu ying-de long-tsang hao wæn 'ô-tsao ngô ih-ding feh-ky'i
場裏去賭。阿蒙心裏是介話，「若箇遭賭贏了，攏總好還。下遭我一定弗去
tu-de Feh siang-tao keh-vah yi shü-de pô nyi-pah kw'eyiang-dzin shü-leh lah-t'ah ky'ing-kwông
賭了。」弗想到箇伐又輸了；把二百塊洋錢輸勒還鏡光。

Tao t'in-liang Ah-mong dzæ-fông tseo-kyü 'ông-li ko-leh ih-zông Mô sin-sang yia tseo-tsing 'ông-li læ-de teng Ah-mong
到天亮，阿蒙纔方走歸行裏。過了一晌，馬先生也走進行裏來了；等阿蒙
wô Dzin-gvü-li yiu nyi-pah kw'eyiang-dzin ng hao do-tao dzin-tin-li ky'i dzeng hao c'ih-tin li-sih ziah li-sih zông-lôh
話，「錢櫃裏有二百塊洋錢，爾好馱到錢店裏去存，好出點利息。若利息上落，
kóng feh ming-bah ngô ze-siu tao dzin-tin-li zi ky'i kóng
講弗明白，我隨手到錢店裏自去講。」

Ah-mong sing-li ih ts'eng Keh-tso dza long-fah Ziah-z feh ky'i k'ong-p'ô Mô sin-sang iao zi læ do yiang-dzin ziah-z
阿蒙心裏一忖，箇遭咋弄法！若是弗去，恐怕馬先生要自來馱洋錢；若是
ky'i yi k'ong-p'ô Mô sin-sang tao dzin-tin ky'i kóng li-sih zông-lôh lu-c'ih mô-kviah læ dza tang-sôn ni Hweh-jün siang-tao Mô
去，又恐怕馬先生到錢店去講利息上落，露出馬腳來。咋打算呢？忽然想到馬
sin-sang yiu dong-din dzeng-læ bih-bæn dzin-tin feh-jü mao-sia Mô sin-sang z-den tao keh-bæn dzin-tin ky'i do nyi-pah kw'eyian
先生有銅鈿存來別月錢店。弗如冒寫馬先生字頭，到箇月錢店去馱二百塊洋
g-dzin hao ti keh-go ky'iih
錢；好抵箇個缺。

Feh-siang-tao[1] keh-bæn dzin-tin kwun k'en-k'en z-den pih-tsih feh-te pô Ah-mong liu-djü ts'a nying eo Mô sin-sang
弗想到[1]箇月錢店信看看字頭筆跡弗對，把阿蒙留住[2]；差人謳馬先生
ih-læ[3] ziu meng-ky'i dzing-yiu Ah-mong tsih-teh ih-ih tsiao-jing Mô sin-sang ziu pô Ah-mong song-peh kwun-fu bæn gyi
一來[3]，就問起情由。阿蒙只得一一招認。馬先生就把阿蒙送撥官府辦其。
Kwun-fu ziu ky'ih gyi lôh lao-kæn
官府就挈其落牢監。

[1] 此處 1852 版爲 Feh-siang，少 tao 一字

[2] 此處錯印爲 liu-jü

[2] 此處 1852 版爲 ts'a nying eo Mô sin-sang læ. Mô sin-sang ih-læ, (差人謳馬先生來。馬先生一來，)

Ah-mong læ lao-kæn kwæn-leh jih-to nyin Gyi k'æ-deo tseo-tsing lao-kæn z'-eo ngen-li beh-c'ih z-ka wô Æ Ngó
阿蒙來牢監關了十多年。其開頭走進牢監時候，眼淚浮出是介話，「唉！我
tsong-z be keh ih-pe tsüu sô-æ
總是被箇一杯酒所害。」

Yiu nying p'i-bing z-ka wô Væn-pah nying feh-z ih-z-li ziu w'a tao gyih-deo tsong-z dzong ih-ngen w'a ka
有人批評，是介話，凡百人弗是一時裏就壞到極頭。總是從一眼壞介
ky'i-deo Da-iah Ah-mong gyi di-ih-yang ts'o z tong-kô feh læ-tong pô tong-kô tsüu ts'ingnying-k'ah feh ts'eng tong-kô se-tsih
起頭。大約阿蒙其第一樣錯，是東家弗來東，把東家酒請人客。弗忖東家雖即
m-meh k'en-kyin Tsing Jing tsæ-ve m-neh k'en-kyin-go
嚟沒[1]看見，真神再殮嚟得看見個。

[1] 此處 1852 版爲 m-neh

Di-nyi yang ts'o-c'ü z gyi shih-hwóng Tong-kô meng gyi z'eo ziah k'engtsiao-jing be tong-kô tsah-vah lih-k'eh
第二樣錯處，是其說謊。東家問其時候，若肯招認，被東家責罰，立刻
kæ-ko wa læ-leh-gyi Næn-kæn ih tseo-tsingw'a-go u-sen ziu feh neng-keo tseo-c'ih-læ s-teh ih-go hao-hao siao-
改過，還來勒及。難間一走進壞個烏碎，就弗能夠走出來；使得一個好好小
nying cong-singlong-wæn
人，忠信弄壞。

K'o-sih k'o-sih Shü-kæn-zóng mi-'ôh-go z-ken tsong-z yiu-go Keh-lah Yia-su kao meng-du tao-kao [2]
可惜！可惜！世間上迷惑個事幹總是有個。箇拉[1]耶穌教門徒禱告[2]
shih-wô ziu-z M-nao peh ngô ziu mi-'ôh keh ih-kyü ah-lah tóng-kæ sing-li kyî-teh-lao [3] vi-min ziang
說話，就是「無得好撥我受迷惑」箇一句，阿拉當該心裏記得牢[3]。未免像
Ah-mong ka ih-z-li long-dzæn 'eo-deo ih-sang ih-si ao-feh-cün lin tso gyi tia-nyiang cü-kwu yia dô-kô hwe-ky'i
阿蒙介，一時裏弄賺，後頭一生一世懊弗轉；連做其爹孃主顧也大家晦氣。

[1] 此處 1852 版爲 Keh-leh

[2] 此處 1852 版爲 tao-kao-go

[3] 此處 1852 版爲 kyî-leh-lao

SE-LAH TENG HÆN-NAH 雖拉等喊哪

Yiu ih-tsao li-pa-nyih ih-go nyiang-ts ming-z kyiao-leh Se-lah iao tao shü-vông-li ky'i teng Hæn-nah oh-li ka
有一遭禮拜日，一個娘子，名字叫勒雖拉，要到書房裏去，等喊哪屋裏介
tseo-ko Hæn-nah k'en-kyin-gyi eo gyi z-ka wô Ng iao tao 'ah-li ky'i Se-lah wô Ngô iao tao shü-vông-li
走過。喊哪看見其，謳其是介話，「爾要到何裏去？」雖拉話，「我要到書房裏
ky'i gyi i-pin ky'i i-pin ing Hæn-nah wô Mæn-tin ky'i ng dza-we ka læ-feh-gyi ni Wa tsao-de
去。」其依邊去，依邊應。喊哪話，「慢點去。爾咋會介來弗及呢？還早了。」
Se-lah lih-lôh wô Hæn-nah ng i-zóng c'ün-hao-de feh Hæn-nah z-ka wô Kw'a-de ng tseo-tæn-zóng-læ
雖拉立落話，「喊哪，爾衣裳穿好了弗？」喊哪是介話，「快了。爾走帶上來；
ngô sing-sin i-zóng peh ng k'en-k'en ziu-z ah-lah yi-mô peh ngô-go
我新鮮衣裳撥爾看看，就是阿拉姨嬭撥我個。

Se-lah-go ah-nyiangtsao feng-fu gyi m-nao yiu-lu wa-yiu m-nao teng Hæn-nah ts'eo-de ing-we gyi z læn-do
雖拉個阿孃早吩咐其無得好遊路，還有無得好等喊哪湊隊；因爲其是懶惰
siao-nyiang tsih-kwu na-'o dziang-t'ong la-'ôh feh-k'eng doh-shü Se-lah se-tsih hyiao-tehah-nyiang feh-hyü gyi tseo-tsing Hæn-nah
小娘，只顧嫋和，長通賴學，弗肯讀書。雖拉雖即曉得阿孃弗許其走進喊哪
oh-li ing-we gyi sing-li iao k'en keh-go i-zóng keh-lah kô-hyi-deo iao teng Hæn-nah s-s deo Se-lah sing-li ts'eng
屋裏，因爲其心裏要看箇個衣裳，箇拉假戲頭要等喊哪梳梳頭，雖拉心裏忖
ts'eng tseo-tsing ih-zóng iao-bông yia m-kao ping-ts'ia hao 'eo-leh Hæn-nah dô-kô tao shü-vông li ky'i Se-lah ziu peng-zóng
忖，走進一晌，要防也無告；並且好候勒喊哪大家到書房裏去，雖拉就奔上
leo-teng tao Hæn-nah u-sen ky'i K'en-kyin keh ôh-hao-k'en-go i-zóng se-tsih gyi cü-pô feh wô c'ih sing-li z feh shôn
樓頂到喊哪烏碎去。看見箇惡好看個衣裳，雖即其嘴巴弗話出，心裏是弗爽
g-kw'a Tsæ deng ih-zóng Se-lah pô gyi siu-li do-tih i-zóng gwaen-leh Hæn-nahmin-zóng li z-ka wô 'Eh-yia Keh-tsao
快。再庵一晌，雖拉把其手裏馱的衣裳攢勒喊哪眠牀裏，是介話，「嗑呀！箇遭
dza kyih-sah Ky'in tsao-de Yi-kying kyiu-tin cong k'ao-ko ih-k'eh de Hæn-nah z-ka wô 'E yiu ka t'in-wô
咋結煞？欠早了！已經九點鐘敲過一刻了。」喊哪是介話，「哎，有介天話！
Mæn-tin teng ngô deo s-s hao ping-ts'ia ah-lah z-ming-cong z tseo-leh kw'a
慢點，等我頭梳梳好。並且阿拉自鳴鐘是走勒快。」

Se-lah sing-hyü-deh-tsin teng gyi ing-we gyi hyiao-teh feh i-jing do-nying shih-wô z w'a 'Eo-deo gyi ts'ia-kwu teng Hæn-nah
雖拉心虛突顫等其，因爲其曉得弗依順大人說話是壞。後頭其且顧等喊哪
kóngyang-yiang 'æn-wô lin-tsih doh-shü z-ken tu mông-kyi-de Teng-tao Hæn-nahah-nyiang tseo-læ z-ka wô Ng keh-sing nyiang
講樣樣閒話，連即讀書事幹都忘記了。等到喊哪阿孃走來是介話，「爾箇星 娘
ts-den kyih-mih-ts shü wa-z ky'i doh feh-ky'i doh
子頭，今末子書還是去讀，弗去讀？」

Se-lah z-ka wô Ô-tü Keh-zóng z dza z-tsin Hæn-nah i-pin siao z-ka wô Keh-tsao z
雖拉是介話，「哦喂！箇晌是咋時節？」喊哪依邊笑，是介話，「箇遭是
ih-ding læ-feh-gyi de Ah-lah kyih-mih shü sòng-singvong ky'i doh de dô-kô tao din-deo ky'i hyi-hyi-de
一定來弗及了。阿拉今末，書爽性留去讀了；大家到田頭去嬉戲了。」

Se-lah z-ka wó Ngó nən-kən z dza long-fah Ah-nyiang teh-cü tsing-tsing iao vən-kwæn Hən-nah wó Ng
雖拉是介話，「我難問是咋弄法？阿孃得知，眞眞要犯關。」喊哪話，「爾
ah-nyiang dza-we teh-cü ni Kw'a-sing-tin mao-ts ta-leh gvi dó-kô hao ky'i ao hwó ky'i tsæ deng ih-zóng keh-sing nyinglong-tsong
阿孃咋會得知呢？快星點帽子帶勒其，大家好去拗花去；再庵一晌箇星人攏總
iao tao li-pa-dòng-li ky'i k'ong-p'ò'ong-djòh ng-go ah-tia ah-nyiang teng sin-sang
要到禮拜堂裏去；恐怕碰着爾個阿爹、阿孃等先生。」

Se-lah óng-sah z-ka wó Gvi-lah li pa-dòng li m-neh k'en-kyin ngó feh-tsiao dza iao mao-ün ngó keh z-ken
雖拉快煞是介話，「其拉禮拜堂裏嘸得看見我，弗照咋要媚怨我。箇事幹
ih-ding mun-feh-ko Hən-nah wó Gvi-lah tón-jün feh hyiao-teh-go t'eo-p'ò ng ah-nyiangmeng ng shih-wó ng tsih wó
一定瞞弗過。」喊哪話，「其拉斷然弗曉得個。偷怕爾阿孃問爾說話，爾只話，
siao nying z-ka to ngó zo-leh 'eo deo keh-lah m-neh k'en-kyin ngó Se-lah z-ka wó Ka tao hao wó
小人是个多，我坐勒後頭，箇拉嘸得看見我。」雖拉是介話，「介倒好話。
tsih-leh Hən-nah wó Vong tsih-leh tsæ z ih-k'eh hwó hao m-neh de ngó z iao ky'i dæn-ming ng
只勒……」喊哪話，「留只勒，只勒；再是一刻花好嘸得了。我是要去；但明爾
kyi feh ky'i Gvi pin-tseo pin peng-lòh leo-ò
記弗去。其邊走，邊奔落樓下。」

Se-lah lih-ts ts'eng-ts'engah-nyiang shih-wó wa-yiu ts'eng-ts'eng feh siu li-pa-nyih z go w'a nyiang-ts óh-ziang feh-ken
雖拉立仔，忖忖阿孃說話；還有忖忖弗守禮拜日是個壞娘子，惡像弗敢
ky'i ing-we yi ts'eng-tao óh-hao-k'en hwó tsih-hao i-leh Hən-nah shih-wó keng-leh gvi dó-kô ao-hwó ky'i K'en-kyin keh-sing hwó
去因爲又忖到惡好看花，只好依勒喊哪說話，跟勒其大家拗花去。看見箇星花
jih-dzæ nao-nyih ih-zli tseo-feh-k'æ Teng-tao Se-lah kyü oh-li ky'i k'eo-k'eo gvi tia-nyiang læ-kæn ky'üoh-væn
實在鬧熱，一時裏走弗開。等到雖拉歸屋裏去，扣扣其爹孃來問喫飯。

Ah-nyiangk'en-kyin z-ka wó Ng keh-tsao via we læ-de soh z-ken peh ng ka dzi Se-lah deo eo-ts feh-ing
阿孃看見是介話，「爾箇遭也會來了。啥事幹撥爾介遲？」雖拉頭謳仔弗應
gvi Gvi tia-nyiangngæn-tsingts'ing-ting-t'ing k'en gvi hyiao-teh gvi pih-ding yiu soh-go yün-kwu ziu wó Ngó siang-vóng ng ve
其。其爹孃眼睛清叮叮看其，曉得其必定有啥個緣故；就話，「我想望爾膾
yiu-lu ngó læ li-pa-dòng li m-neh k'en-kyin ng ng tsong-kyiu zo-læ 'ah-li Se-lah min-k'ong 'ong-ky'i-læ z-ka
遊路。我來禮拜堂裏嘸得看見爾；爾總究坐來何裏？」雖拉面孔紅起來是介
wó Ngó ngó zo Sin-sang eo ngó zo 'eo-pe nying z-ka to
話，「我……我坐……先生謳我坐後背，人是介多。」

Ah-nyiang eo gvi væn ky'üoh-lehkw'a k'ong-p'ò 'ò-pun-nyih shü-vóng-li ky'i yi læ-feh gvi Se-lah hyüong-kwun-deo bih-bih-
阿孃謳其飯喫勒快，恐怕下半日書房裏去又來弗及，雖拉胸 腕 頭^[1]蹣蹣
t'iao væn ky'üoh-feh-lòh ing-we gvi hyiao-tehzóng-pun-nyih 'ang-we z tso-dzæn de keh-lah gvi kw'a-kw'a tao shü-vóng-li ky'i
跳，飯喫弗落；因爲其曉得上半日行爲是做賺了。箇拉其快快到書房裏去。

[1] 此處原文錯印爲 hyüong-kwun-keo

Sin-sang ih-kyi k'en-kyin gvi z-ka wó Se-lah ng dza-we zóng-pun-nyih feh-læ doh-shü ni Se-lah hong-p'in
先生一記看見其，是介話，「雖拉，爾咋會上半日弗來讀書呢？」雖拉哄騙
z-ka wó Ngó ah-nyiang m-neh peh ngó læ Sin-sang wó Dza-we m-neh peh ngó læ Gvi wó Ah-lah ah-
是介話，「我阿孃嘸得撥我來。」先生話，「咋會嘸得撥爾來？」其話，「阿拉阿
nyiangkyih-miht'in-nyiang nən-ko-kæn
孃 今末天亮難過間。」

Se-lah yia-óh fòng-c'ih p'ong-kyinHən-nah gvi wó Ah-lah kyih-mih kyi-kao tao yüong-leh hao-go 'ò li-pa tsæ
雖拉夜學放出，碰見喊哪，其話，「阿拉今末計較倒用勒好個。下禮拜再
z-ka tso ng k'eng feh Se-lah deo ngah-ngah sing-li feh shóng-kw'a ziu li-k'æ Hən-nah kw'a-kw'a tao oh-li ky'i
是介做，爾肯弗？」雖拉頭抗抗，心裏弗爽快，就離開喊哪，快快到屋裏去。
Gvi tseo-tsing oh-ló k'en-kyinah-nyiang iu-meng siang-mao meng-meng gvi z-ka wó A-m ng soh-go z-ken Ah-
其走進屋落，看見阿孃憂悶相貌，問問其是介話，「阿媽，爾啥個事幹？」阿
nyiang ing gvi wó Teng ng tia-tia læ ng we teh-cü gvi
孃 應其話，「等爾爹爹來，爾會得知其。」

Se-lah t'ing-mengah-nyiang ka wó hah-sah de ing-we hyiang-djóng gvi ah-nyiang m-neh ka siang-mao gvi ah-tia li-pa-
雖拉聽聞阿孃介話，嚇煞了。因爲向 常其阿孃嘸得介相貌；其阿爹禮拜
nyih yia ve tseo-c'ih-ky'i gvi zóng-k'ong-p'ò ah-tia læ-kæn tang-t'ing gvi tso-go z-ken
日也膾走出去。其尚恐怕阿爹來問打聽其做個事幹。

'Eo-deo gvi ah-tia læ-de Se-lah sing bih-bih-t'iao Teng-tao gvi ah-tia zo-lòh ky'üoh-dzó m-kao wó-soh Se-lah
後頭其阿爹來了。雖拉心蹣蹣跳。等到其阿爹坐落喫茶，嘸告話啥；雖拉
sing shü-yi kw'ün ih-ngen Teng dzó ky'üoh-hao Se-lah lih-ky'i-læ iao ky'i kw'eng ky'i gvi ah-tia p'ò-p'ò siang-maoteng gvi z-ka
心勢微寬一眼。等茶喫好，雖拉立起來要去 睏 去。其阿爹怕怕相貌等其是介
wó Se-lah ng zo-tæn-lòh ng-go w'a-c'ü ngó yi-kying teh-cü na-p'ò ng tengHən-nahyüong dza-hao kyi-kao iao p'in
話，「雖拉，爾坐帶落。爾個壞處我已經得知。哪怕爾等喊哪用咋好計較要騙
ah-lah p'in-feh-læ
阿拉騙弗來。」

Se-lah ziu k'oh-c'ih-lā z-ka wō O-üō Tia-tia 'e nyiao-nyiao ngō ngō dzong m-neh sing ka nān-ko
雖拉就哭出來，是介話，「哦嘅！爹爹哎！饒饒我。我從嘸得心介難過
過。」

Ah-tia wō Ngō hyiao-teh ng-go sing tsā-ve feh nān-ko yiu-ze pih-ding ziu-nān ngō wō-hyang ng dao kyih-mih
阿爹話，「我曉得爾個心再難過。有罪，必定受難，我話向爾道；今末
爾做過個，弗是小小事幹，我好饒爾。」雖拉聽阿爹教訓哭煞了；後頭把攏總
做過事幹都招出來了。其阿爹話，「爾頭一起，弗該主意柯弗定，走進喊哪屋裏
去。爾曉得我早吩咐爾嘸得好等箇個壞娘子湊隊。眞神律法介話，要『依順
大人』說話，爾難問弗依。就是喊哪肯聽爾說話，大家到書房裏去，爾也是有
罪；因爲爾弗聽吩咐，教爾儂嘸得好等喊哪湊隊。爾既經曉得自個門份，爾
還會弗顧着；弗守禮拜日。還有講謊話，要想遮蓋自個壞處。雖拉！爾難道弗
曉得眞神庇日要審判箇星事幹呢？〈傳道書〉十一章，十九節，還有〈保羅寄
以弗所書〉第五章，第六節，是介話，『爲了箇星事幹，眞神個愠愠是降落撥弗
依順主顧個身上。』還有〈約翰默示錄〉廿一章，第八節，有話，『凡百講謊話
主顧必定來硫磺延燒來問着個湖裏向受苦難。』

Se-lah 'eo-deo z tsing-tsingwōng-k'ong nying-tsing ao-hwe Teng ah-tia kōng-hao ziu tseo-tsing zi-go vōng-li ky'i
雖拉後頭是眞眞惶恐^[1]，認真懊悔，等阿爹講好，就走進自個房裏去，
託耶穌功勞，求真神饒掉其個罪；因爲凡百犯罪個人要想其個罪好饒掉，等心
裏向得着安樂，只有靠着耶穌。

[1] 此處原文錯印爲 wōng-k'ōng

'Eo-deo Se lah teng-tao nyin-kyi do djōng-djōng ve mōng-kyi keh-go nyih-ts ōh-ziang ih-go tsih-le ih k'en-kyin
後頭雖拉，等到年紀大，常常難忘記箇個日子。惡像一個漬沬；一看見
其，就付到前頭個罪，斷斷弗敢再去犯。